

Reverendo domino Vincenzo Querini, canonico trivisino, <i>quond.</i> sier Piero,	44. 98
Reverendo domino Nicolò Gritti, protonotario apostolico, di sier Francesco,	48.102
Reverendo domino Francesco Querini, arziépiscopo di Durazo,	50.106
Reverendo domino Piero Loredan, canonico trivisino, <i>quondam</i> sier Lorenzo,	49.108
Venerando domino Zuam Loredam, <i>quondam</i> sier Alvixe,	44.111

In questo pregadi fo intrato in la materia di Alexio, et *etiam* a di 14 fo per questo pregadi, e parlò sier Marco Sanudo. Or sier Francesco Trum, consier, obtene, fo gran credenza, *nescio quid*, ma credo indusiar *pro nunc*, et risponder al turchi con scusa *etc.*

Et non voglio restar di scriver tutti quelli hanno parlato in varij pregadi, in tal materia di Alexio, il primo et altri zornii, che la fo tratada. Parlò sier Tomà Mozenigo, procurator, savio dil conseio, sier Marco Sanudo, savio dil conseio, sier Pollo Pixani, el cavalier, savio dil conseio, sier Francesco Foscari, el cavalier, et sier Marin Zorzi, dottor, savij di terra ferma, sier Luardo Emo, sier Domenego Venier, sier Filippo Sanudo, savij ai ordeni, sier Andrea Venier, sier Francesco Trum, consieri, et fuora di collegio sier Vincivera Dandolo, sier Antonio Trun, sier Vetor Michiel e sier Zorzi Emo.

A di XV. In collegio. Referì sier Andrea Loredan, venuto podestà di Brexa, et stè 3 horre, cargò il capetanio, sier Hironimo Bembo, intervenendo la cossa dil conte Zuan Francesco di Gambara, per la qual Brexa è in parte. Or questui di la zonta rimase ultimo di tutti.

Da poi disnar fo gran consejo, et vertendo certo dubio, *utrum* quelli è in election si possi tuor *vel ne*, fo per *viam declarationis* posto al conseio, che si potesseno elezer l'horo medemi in qual officio li tochava, *adeo* li do romasi a la taola di l'insida cadeteno da li do, che era ditto non poter provarsi. Have la parte: 17 non sinceri, 312 di no, 713 di sì.

Noto, 1493, si pol venir uno in Signoria et do in officij dentro.

Da mar, fo letere, a di 18, da Corfù. Come l'arma' turchescha era a Porto Raguseo, velle 18, in hordine, nè manchava algune altre fino al numero 45, e andarano verso Santa Maura, per tirarse poi dentro dil stretto.

A di 21. Fo letere da mar. Replica le velle 18 in hordine; et che 'l so capetanio havia mandà a dir al provedador, che 'l voleva passar per canal di Corfù; si judicha andarà in colfo di Lepanto.

Di Alexandria, di primo luio, per via di Candia. Come el soldam havia dato le spezie a 3 merchadanti mori, per ducati 36 milia, lo resto quelli 3 merchadanti se haveva obligato de tuorle, e darle fra tutti i merchadanti mori. El priexio: piper ducati 140, beledi ducati 15, garofolo ducati 50, noxe 40, mazi 50, verza 13. *Item*, le galie di Alexandria partino di qui.

Da poi disnar fo gran consejo; fato voxe al solito.

A di 22. Etiam fo gran consejo; fato voxe, *ut supra*.

A di 24. Fo pregadi. Fu fato V savij ai ordeni: sier Marco Lando, fo savio ai ordeni, *quondam* sier Piero, sier Troian Bollani, fo savio ai ordeni, *quondam* sier Hironimo, sier Michiel Morexini, di sier Piero, sier Anzolo da Pexaro, fo avochato grando, *quondam* sier Alvise, et sier Alvise Foscari, *quondam* sier Nicolò. *Item*, 3 sora la revision di conti: sier Piero Contarini, fo avochato fischal, *quondam* sier Zuan Ruzier, sier Francesco Querini, fo provedador di comun, *quondam* sier Hironimo, sier Marin Morexini, fo avochato fischal, *quondam* sier Pollo; et Jo fui tolto per sier Zacharia Dolfin.

A di 25. Fo conseio di X con zonta. Et è da saper, che 'l dazio dil vin in questo mexe fo dato via, per li governadori, *videlicet* sier Alvise di Prioli, sier Zanoto Querini et sier Lorenzo Zustignan, a sier Piero Donado, *quondam* sier Tolomeo, o ver a uno fio di sier Dolfin Valier, *videlicet* a maona, sier Carlo Valier, sier Andrea Foscari, sier Vetor Pixani, et sier Nadalin Contarini, per ducati . . . milia. Or parse al collegio fusse mal dado, et sier Francesco Pizamano, gobo, dazier, messe soto che si aria ducati X milia e più, *adeo* fo cargato sier Lorenzo Zustignan, per esser cugnado di sier Carlo Valier *etc.* Or ozi, per el conseio di X, fo taià dito incanto, e ordinato *iterum* ricantarlo, e vi vadi dō consieri; e fo gran vergogna di qualche governador.

A di 26. Fo pregadi. Fato 4 savij dil conseio, uno di qual è per mexi 3. Rimase sier Domenego Trivixan, el cavalier, procurator, sier Marco Antonio Morexini, el cavalier, procurator, sier Pollo Pixani, el cavalier, savio dil consejo; et per 3 mexi sier Hironimo Donado, dottor, fo podestà a Cremona, da sier Zorzi Corner, el cavalier, fo savio dil consejo, et sier Antonio Trun, con el qual sier Antonio vene a tante a tante; e rebalotadi, el Donado rimase